

nkrġ zikk 63

- 1 wa-rbbi tgjit rbbi-nu,
nkrġ zikk ar-srk-siggilġ.
ul-inu inġa-t irifi-nnk,
zund akal iqqurn s-irifi.
tġaša ddat-inu s-umarg-nnk,
zund illi ur-jju-kkin-waman.
- 2 riġ a-n-dik-iliġ ġ-udġar-nnk,
ssmaqqlġ ġin taħkimt l-lmjd-nnk.
- 3 ujadġ a-k-tmjjadġ a-rbbi,
ha-tayri-nnk tuf dari tudrt,
- 4 ra-k-talġġ kullu ma-rad-ddrġ,
mdig-ak-n ifassn żżallġ.
- 5 tēmirt ul-inu s-lħir-nnk.

- asiġ-ak amarg-ad s-lfrħ.
- 6 ktiġ-k-id ġ-tizgag n-iyd.
kiyi a-ġ-a-swingimġ ġ-tisi.
- 7 kiyi a-igan leawan-inu,
d-umalu-nnk a-ġ-a-ttirirġ.
- 8 ul-inu iġwi bdda gik,
d-ufus-nnk a-yyi-bdda-yusin.
- 9 ġwilli-yyi-inuwwan s-lhalak,
ra-n-tyawgarn s-tdrut n-wakal,
- 10 rad-ḍrn ġ-imiġ ššn-tn-uwššann.
- 11 ifrħ-ugllid s-mayd iskr rbbi,
alġn-k ġwilli uqqrnin ism-nnk.
fssan ġwilli fllak sskirkisnin.